

www.BibleForChildren.org

Matiyu 26



Be, Pasoba nalu goyen
nalu 6 po hen gab forok
yetek hekeb Yesu go
Lasarusyen tiyun Betani
kun forok yirin. Lasarusbe
kamtingde mat Yesu belen
isan hirin al go goyen.



Be, mel go gwaha ten
hikeyabe Maria belen
nat he fimin hamin
kusamun wor po, irde
damumbe hende wor po
goyen tawanbe tumnan
po Yesu kahan de wogordeb
tonan yuwalnen belen po utma tiyyin.
Irkeb he fimin wok iryin gote hamin
igin mun gore po ya go ep iryin.



Irkeb Yesuyen komat kura denjembe Yudas Iskariot
gore pris buda gote karkuwanmin haniṇde pel ire yen
kuriṇ. Kuṇ yenkeb yende mere
goyen nurde aman henbe
horare damu girtek inamiṇ.
Irkeb Yudas go daha mat
kura Yesu goyen mel gote
haniṇde keren yen
dufay hen hinhin.



Irkeb komatmin yago goyen Yesu
yinyin go po gama irde kunbe
Pasoba bingbe nen nen gitik tiyamin.
Be, bingbe nene henyabe Yesu belen
beret tenbe Nani turun irdeb
ubala tenbe, "Beret dunhem
gahade gayen po nebe den ge ten
kamen. Ningeb goke tenbe beret
gabe gasonne geb,
ten nenan,"
yinyin.



Irdeb wain fimin gisu bana hitin
go tenbe sopte Al Kurun turun
irde, "Den tumnan ga ten nenan.
Al megen han kurun gote mata
bulun halde yunen yunen nin ten
Al Kurun belen bina tiyyin goke
ten darine wok irde kamen.
Ningeb wain ga ten nenan."



Gwaha yinen henyabe Pita kenenbe, "Saimon, Saimon,
al belen wit bilminya katokya pota yirde katokbe
yade yemeyde hanjen go gwahade goyen po, Satan
belen tunan gure yen Al Kurun gusunan irun geb.
Gega nebe ge belen Al Kurun nin dufayge tareng irarin
goyen tubul ma tiyyen yen hakot po Al Kurun gusunan
irde himyen. Ningeb
katayin gega, sopte
ne hitte mulgan
hen wayayin.
Irde kadge yago
faran yurde
sarin yirde
hayin," inyin.




Irkeb Saimon belen wol henbe, "Doyan Al Kurun,
koyare gerde mugunke kamayin gobe ne manan epte
geya tumnan kanduk go teren yen nurde hime geb,"
inyin. Irkeb Yesu belenbe, "Pita, fudinde ginen hime.
Hanka wawun mat kun nana minge tatirok ma
yekeyabe wawun karwore ne nin yen, 'Al gobe ma
nurd unen hime,'
yinayin," inyin.



Be, gor mat kun nana dege
Getsemani gor forok
yenbe komatmin yago,
"Gar keperde doyan
nirde hike neb irar ira
kun Al Kurun mere iren,"
yinyin. "Ado, mata budam
kurun gabe delgerbe
metenen kuram mon.
Ningeb belen hoyan kura
hi kenem kanduk gayen go
ma tewen. Goyenbe nere
dufay ma gama irayin.
Gigen dufay go po gama
irayin," inyin.




Ningeb Yudas go Roma nin fuleña marya Al Kurun
dolon ird ird mata doyan mar pris buda gote
karkuwanminya Farisi marya belen hulyan
yiramin mar goyen yade Yesu hinhide gor
wayyin. Mel gobe hulsiya fuleñare
nin detya yade wayamin. Irdeb
kuramin belen fuleñare nin
bidila ten pris buda gote
kurunmin Kaiafas gote
meten al kura gote
kirmin yase sapa iryin.
Irkeb Yesu belen,
"Ep nin, bada hawa!"
inyin. Irdeb al go kirminde
tanarke gasunen hirin.



Irkeb mel gore Yesu ten hanin fere tiyamin. Gwaha
irdeb pris buda gote kurunmin Kaiafas gote yare
tukamin. Be, Pitabe sorte
po hen gama yirde kun
hinhin. Irdeb mel
gore ya sawsawa
kahalte gor kak
kawalde keperke
yenenbe kun mel
goya kak minde
gor kipiriyin.



Irkeb pris buda gote
kurunmin gote meten al
kura, Pita belen kirmin
sapa iryin al gote
kadam goreb, "Gebe
Olip dugure gor yenya
hike genhem," inyin.
Gwaha inkeb Pita go
teban helwan hiri.
Irkeb goya goyen po
tatirok mere tiyyin.
Irkeb kat sinare kun
esen esen igin iryin.



Be, gwaha yenbe Yuda marte doyan
mar gabu iramin mar go tumnan
Yesu go ten Pailat hitte tukamin.
Yenbe Roma gabman al, Yudia nana
goyen doyan irde hinhin.
Irkeb Pailat belen,
"Ge gayen Yuda marte
doyan al kurun we?"
inen gusunan iryin. Irkeb
wol henbe, "Gwaha, nebe



gigen yaha gogo po," inyin.



Be, al buda gore, "Yesu maytek,"
yamin. Gega Pailatbe, "Yesu ga
tubul timeke kwi," yen nurde gabu
iramın mar go sopte po, "Al ga
tubul tiyen tihim," yinyin.
Gega, "Kuruse hende
mayke kami! Kuruse
hende mayke kami!" yen
hewhow kurun wor
po tiyamin.




Be, Pailat go gwaha kura irtek
minmon hekeb bada hen kuruse
hende mayke kami yen mel goke pel
iryin. Irkeb fulen mar belen Yesu
tamin. Be, Yesu go kuruse go tenbe
nana denge kura Al Tonan Kininingde
gor kuring. Denge gobe Hiburu mere
matbe Golgota.



Gorbe Yesu go kuruse hende mayamin.
Yenyabe al irawa hoyan kura goyen wor
yingende yingende kuruse heren
gasa yirdeb kurabe
Yesuyen kuruse
yase belen
kerde kurabe
tapa belen
keramin.
Yesu yingenbe
kahalte keramin.



Kidoma hirinya goyenbe Al Kurunyen ya balem bana
amil tolok wor po dapga sikken po irtin goyen gasun
himam wor po bana hurkun hurkun pet titin goyen
kahalte erek yen kurin. Al beley Al
Kurun hitte kun kun metenen
hinhin goyen Yesu beley sope
iriyin gote tunanenbe amil
tolok kurun gogo erek yirin.
Be, amil erek yirinya Yesu
kurse hende hinhin goyen
kuware, "Nan, tonnebe
hanger tubul tihim,"
inenbe yayena
funan, 'Ha!' irdeb
kamyin.



Arimatea nin Yosep belen Yesu
hakwam teke al hoyan belen al
gobe Yesu gama irde hiyen al
kurabe gogo yen bulun
nurde untek goke ma
nurdeb Pailat hitte
kun Yesu hakwam
ten ten nin
gusungan iryin.

Yenbe
tiyun doyan mar
gabu irde hanyen
goyen bana nin al.
Al budam belen
nurd unen hanyen.
Yingenbe Al kurun
belen alya bereyamin
doyan yird yird nalu
goke doyan hen
hiyen.




Irkeb Yosep gobe kadomya kun
amil faykenj damu tenj tawan
Yesu hakwam goyen faranj
tenjbe mala tenj tukun al
hakwam yerd yerd ninj
horabok talting bana
gonj keraminj.

Irdeb hora
kurun goyen
kanj kanj irdeb
tukun horabok
mohonj pet
tiyaminj.



Be, Sabat nalu fay
urkeb pris buda gote
karkuwanminya Farisi
marya belen Pailat
hitte kwamin.



Kunbe, "Doyan al, usi al
gar go hinhinyabe,
'Kamenđe mat kun
yerenkek hekeb
huwareŋ,' yen hinhin
goyen bininiŋ bak
yekeb gago
wayhet."



Irkeb mel go kun bemba yamere nin
hora kurun goyen al kura beley ma
fegelnayin yen bisam
irde go hende diba
iramin. Irdeb fuleja
mar goyen, "Gar hen
kenkela doyan irde
hinan ko!" yinamin.



Be, Sabat nalu hubu hen kun
wawun hen fay uren tiyyin.
Irkeb Makdala nin Mariaya
Maria hoyan kura goya
gore Yesu hakwam
keramin gasun
goyen kenye yen
kwaryum.




Be, bembare gorbe niniņa kurun
forok yiriņ. Gobe Doyan Al Kurun
hitte mat miyonmiņ kura
katen bemba gote yame
hora kurun go kaņ kaņ
irde hol irde go hende
keperde hinhin geb,
gogo tiyyiņ.

Be, fulena mar
gor hinhin gobe
miyon go kenenbe
kafura wor po
heņ barbar yeņ
kamtiņ hakwam
yara hamiņ.



Be, miyon gore bere irawa go
yenenbe, "Kafura hen ma. Yesu
kurse hende mayke kamun
al goke nankenen har yen
nurde hime." Gega
yenbe gar ma hi.
Huwaren yen hinhin
go gwahade po
huwara.

Iginge wan hakwam
keran gasun ga kinyi.



Be, bere iraw gob kafura
haryum. Goyenbe mere go
nurdeb aman haryum. Irdeb
bemba go aran po tubul ten
Yesuyen komatmin yago momon
yirye yen kup yen kwaryum.



Be, bere go mata gwahade
forok yewen tiya yen ma nurde
kun hikeya Yesu belen forok
yenbe, "Wampot," yinyin. Irkeb
irem gobe kenen bebak tenbe
kun kahande tanarde
dolon iraryum.





Be, go kamereb Yesu yingen komatmin 11 goyen ya
bana hen dula ten hikeya forok yirin. Forok yenbe al
belen huwaryin kamere kenen momon yirke ga tonan
taren irde usi tahan yen nurde wasak po tiyamin mar
goyen goke yinen ten saba yiryin. Be, Doyan Al Kurun
Yesu belen mere yiryin go kamereb Nanin Al Kurun
belen tumulgan tike hurkun al denem yan
hen hanin yase belen kipiryin.



Al Kurunbe megen niñ alya bereya
gayen bubulkunne wor po yeñ nurd
yunenbe Urmiñ unkuřen
muñ goyen basaña ma
irdeb yunyiñ.



Ningeb al kura Urmin goke
dufaymin tareɗ iryeɗ al gobe
hugineɗ kamde kamdere ma
kunbe Al Kurunya hugineɗ
hiriryen.



Rom 3:23

Fudinde, al tumnan Al Kurun dilingde mata bulun
titiŋ ala geb, Al Kurunyen tareŋ turnun yaŋ bana
epte ma hitek haŋ.

Rom 6:23

Gwahade goyen po, mata bulun gote murungembe
huginen kamde kamde gogo. Munan Doyan Al
Kurunninin Yesu Kristuya hen hen goke ten detmin
kura Al Kurun belen damum mon dulin duntin gobe
yenya huginen hen hen gogo.

Hiburu 9:27

Albe wawun unkuŋen po kamnaying, sopte ma
kamnaying. Goyenbe go kamereb merere huwarke Al
Kurun belen al igin ma bulun goyen pota yiryen.



Efesus 2:8,9

Denbe Al Kurun belen dumulgan tike igin han gobe dindikende tarende mon. Al Kurun belen buningen dirde faran durkeb Yesu nin dufaytin tareng iramin geb, gogo dumulgan tiyyin. Dumulgan tiyyin gobe dulin dumulgan tiyyin. Mata igin kura ma ten hikeya dumulgan tiyyin.

Gogab al kura mata igin ten hiyen goke epte ma yingen ge turun turun ten hiyen.

Rom 10:9,10

Ningeb mere go yitin gwahade po, al kura binde mat wor po Al Kurun belen Yesu go kamtinde mat isan hiri goyen fudinde yen dufaymin tareng iryen, irde yingen mohonde wor po, "Yesube Doyan Al Kurun," yiyyenbe Al Kurun belen al go tumulgan tiyyen. Fudinde, al kura Yesu nin binde mat dufaymin sanin irke Al Kurun belen al huwak inyen. Irde dufaymin tareng irtin goyen mohonde mat kawan po tagalkeb Al Kurun belen tumulgan tiyyen.



Yon 3:16,17

Al Kurunbe megen nin alya bereya gayen bubulkunne wor po yen nurd yunenbe Urmin unkuken mun goyen basina ma irdeb yunin. Ningeb al kura Urmin goke dufaymin tareng iryen al gobe huginen kamde kamdere ma kunbe Al Kurunya huginen hiriryen. Al Kurunbe alya bereya gayen merem yan yire yen ma Urmin ten kerke katyin. Gwaha titnenbe Urmin belen meten tiyyen go hende alya bereya yumulgan tiyyen yen Urmin ten kerke katyin.



1 Yon 5:11-13

Be, Al Kurun belen Urmin ge tagaltin gobe gahade: Al Kurun belenbe yingenya huginen hen hen goyen dunyin, irde huginen hen hen gote min albe Urmin. Ningeb al kura Urminya awalikde han gobe Al Kurunya huginen hen hen minyan. Munan al kura Al Kurun Urminya awalikde ma han gobe Al Kurunya huginen hen hen goyen minmon. Be, nebe den alya bereya Al Kurun Urmin goke dufaytin tareng irtin han mar goyen Al Kurunya huginen hen hen matabe dende hitin goyen go nurwon yen asan gago kan dunen hime.



Matiyu 26-28; Luk 22-24; Yon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gwahatike Bible (dah) © 2000, Wycliffe Bible
Translators, Inc. All rights reserved.

<https://live.bible.is/bible/DAHPNG/MAT/1>

©2026 Bible for Children, Inc.

www.M1914.org

www.bibleforchildren.org

